

漳州府志卷之三十五

宦績四

○唐

分營將

李伯瑤 沈世紀

李伯瑤字崑宗衛國公靖之孫也總章二年從陳政出鎮泉潮間爲前鋒分營將比至見賊狡獪難得乃沿江豎柳木爲營佯若不進者以驕兵之計致其來侵生擒藍雷二賊殺之遂平三十六寨政子元光旣請建州治因奏伯瑤與馬仁等各有所畧請授爲司馬等職詔從之

漳州府志

卷之三十五

宦績四

一

三五十四

又嘗以兵鑿斷鵝頭山平娘子洞諸寨同時諸將戰功伯瑤爲第一有子十三人皆貴卒贈定遠將軍葬北山之麓後遷葬於虎形山其子孫散居龍溪漳浦諸縣至今漳人祀元光者必以伯瑤及馬仁配或爲專廟祀之沈世紀一名彪光州固始人總章二年從陳政領軍入閩爲分營將運籌決勝動中機宜又身先士卒衝鋒陷陣與馬仁李伯瑤等擒殺蠻寇平三十六寨高宗聞賜名曰勇加隨朝護國右將軍垂拱二年政子元光請建州治授爲司馬分鎮南詔世紀年甫弱冠奇謀善策日與元光披荆棘開郵落集散亡課農通商闢地數千里厥

功懋焉卒漳人立廟祀之宋追封武德侯子師聖官侍  
御史孫瑄官少卿今子孫散處龍溪漳浦南靖長泰詔安等處

前志論曰馬仁伯瑤世紀同為開漳名將佐陳氏父子宣力効忠世紀祀於漳記所謂以勞定國者與元光疏薦部曲幹畧首馬仁伯瑤世紀次之岳山之役馬仁從元光並及于難顧其子姓多不可攷傳紀缺焉宋紹興間諸將追封贈號凡九十人姓氏列于封冊伯瑤加號威武輔勝上將軍世紀加號威武輔美上將軍歷元明至於今五百有餘歲矣大抵子孫多賢其宗祖率藉以不沒李氏沈氏代產聞人故斷簡殘編戰功猶有存者因輯為傳冠諸將之首以補首志之闕焉

漳州府志

卷之三十五

宦績四

二

三百三十九

○宋

左翼軍統領

崔亮

崔亮熙州人以武顯郎充左翼軍統領武藝絕倫淳熙間龍巖沈寇猖獗亮以輕騎追躡深入重地力戰死朝廷嘉其忠贈武顯大夫尚書顏師魯奏乞官其子詔從之九年建祠于龍巖西湖之西紹熙二年賜額表忠

○明

指揮使

王 謹 侯 鑑 陳 震 吳 憲 覃 桓

顧 斌

王謹漳州衛指揮使嘉靖三十八年奉檄委任閩安鎮其  
明年五月調謹兵攻剿濂海灣門諸處倭賊船羣隊飛  
出衆慮衆寡不敵謹曰奉令攻剿敵強而退非夫也奮  
勇接戰衝沈大倭船數隻追至梅與海洋射殺倭將穿  
紅者一人又乘勝追賊於小嶼礁援舟後至謹力戰死  
之事聞詔以其子襲陞二級撫按憐其忠勇命建祠于  
本衛旗纛廟之左祀之

漳州府志

卷之三十五

宦績四

三

侯鑑字子明漳州衛指揮同知福之子生三歲而孤母杜  
氏年二十八撫鑑成立鑑掌衛事歷官有聲力行孝養  
溫清定省出告反面之節惟謹常祿所入悉以奉母母  
性嚴或至鞭撻無怨詞命之跪終日不敢起亦無難色  
母常病侍湯藥衣不解帶稽顙北辰號泣終夜及母終  
致哀盡禮既葬有羣鳥繞墳悲鳴三日知府陳洪謨爲  
孝感記當道立坊以表其閭曰崇孝

陳震字起元年十六襲漳州衛指揮同知部試第一署銅  
山所會剿海寇林鳳有功擢閩撫中軍調小埕把總大  
司馬吳文華里居一見器之旋中員錦奪官歸會吳總

督以兩粵珠賊李茂盤據山海間特疏薦震爲北津把  
總調兵征剿連戰於放雞洋斜陽洋木蘭海浪濠海諸  
處大破之擒賊千人衝沈賊艘無筭殪李茂大獲珠船  
以歸旣復殲其餘黨寇悉平捷奏擢潤州遊擊賜金幣  
有差時義以潤州孤懸欲徙其民置內地震力持不可  
乃依島築城擢潯梧叅將以疾乞解官東征事起閩海  
戒嚴中丞金學曾延震置幕下震造巨艦百四十餘以  
備衝突諸所籌海上便宜要害甚具病劇而卒震身長  
八尺慷慨談兵有封狼居胥意而緩帶雅歌居然名將  
風流所著有穀草蓬萊草刻于家

漳州府志

卷之三十五

宦績四

四

吳憲字長溪龍溪人嘉靖間以武生從總兵俞大猷剿倭  
賊有功授副千戶又征海寇曾一本釋被擄軍民八百  
餘人人感其德有持金帛謝者却弗受歷戰功授漳州  
衛指揮同知世襲後官浙江都指揮使初憲弟道宗爲  
海賊許朝光所掠去自贖金五百往續弗許乃乘閒挾  
宗遁賊追之急憲先部署親黨伏於道賊大創而去  
名震遠近宦歸置產均諸弟當道以孝友旌其門  
覃桓沔陽人襲漳州衛指揮僉事諳武書習弓馬素以忠  
勇自許正德二年領軍征捕南靖金山大溪諸賊擒賊  
首楊宗壽等三百名欽賞鈔幣三年把總銅山水寨設

策招撫海寇馬宗寶等十一年流賊詹師富等屯結廣  
溪河頭之大傘山委桓會剿擒獲賊首張顯福藍三等  
四十餘人又擒長高村賊首羅定亮餘俱奔象湖山拒  
守南靖縣請益兵調桓出哨會同廣兵來攻未至猝與  
賊遇桓獨兵與戰射其渠魁賊佯走桓乘勝追逐賊叢  
戟刺之中咽喉而死事聞詔贈二級子孫承襲如其所  
贈官

顧斌其先懷遠人始祖成洪武間累功陞指揮僉事祖達  
調漳州衛世襲斌驍胆勇有武畧正統戊辰沙寇鄧茂  
七之亂賊帥楊福率衆數萬圍漳吏民震懼無敢出敵

## 漳州府志

### 卷之三十五

宦績四

五

四百三十一

者賊日設雲梯仰攻勢甚危時斌督兵備倭海上夜率  
舟師五百人航海來援突圍趨入南城盡散其家貲募  
敢死士雜服綵繪虎豹皮插雞雉羽爲神兵開東門迎  
戰斌躍馬大呼以百騎直壓賊壘磨死士爲兩翼各出  
利斧破之賊大敗一晝夜復益兵來攻又夾擊破之殺  
賊如邱餘黨夜遁城賴以全事聞擢福建都指揮僉事  
斌旣以募兵傾其貲故旣卒貧無以葬後數十餘年知  
府姜諒謀諸郡人相率致賻始克襄事諒因記其功于  
石至今三尺童子盡知有顧侯全城也雲孫臬歷廣東  
福建叅將有名士風

叅將

王如龍

王如龍義烏人以勇士有血戰功累陞守備北路時南路尚梗總兵戚繼光留之破漳浦賊有功摘奸正紀臨陣輒身先士卒橫嶼小石嶺兩叢倭皆擣其穴而平之陞福建都指揮

欽依把總

童乾震 張萬紀 許 瀚

童乾震嘉靖中任銅山水寨把總與其子養銳千戶白仁義士陳學書等領兵哨禦屢有斬獲時人為語曰軍中

漳州府志

卷之三十五

宦績四

六

三百二十八

有二童倭賊且一空抵東嶽山與賊交戰殺傷甚眾約指揮劉玠為援不至勢孤賊圍之數重身被二鎗與學書等俱死朝命立祠祀之子孫陞襲二級子養銳為指

揮使

泉州志乾震舍山人

張萬紀六安人任銅山把總年二十餘以驍健聞每雨雲陰晦輒駕小舟杖劍以驍勇自隨裝束如漁人因以誘賊賊相遇手自擊殺之雖屢經險阻而神氣愈旺沿海數年得安枕無恐萬紀之力為多

許瀚精悍有勇畧初為詔安副千戶嘉靖四十年饒寇突至詔安北門外擄掠男女以去總兵俞大猷督師剿捕

瀚陣斬其僞將詹總兵等有功陞銅山欽依把總四十四年海賊吳平入梅州厚廣等處焚劫圍攻詔安縣城燒燬木柵及西關外房屋巡撫汪道昆決策命戚繼光討之旬日賊縛其梟黨陳進卿獻于帥瀚率諸軍夜從夾道門進大破之賊遁入南海瀚從繼光追擊之俘斬萬五千人賊鋒披靡

把總

蔡以藩 張天威 吳兆熾 袁 德

蔡以藩泉州人精悍善騎射所在多戰功巡撫朱一馮器之崇正間授海澄營把總視師甫三日賊入寇以藩摩

漳州府志

卷之三十五

宦績四

七

三百八十一

厲以須賊爲引避亡何賊擁衆大至以藩請益兵通判吳允焯聽哨官何德勝之讒留兵不發乃提孤卒往發大砲連斃數賊賊益合圍所部兵相繼逃散援絕以藩力戰死德勝反揚言以藩挾餉投賊哨官蔡春憤甚從火中負屍出之事乃白澄人相率詣郡請立祠以表忠魂郡守施邦曜署其牘曰坐以藩香火堂上而塑二逃帥俞咨臯陳文熾跪于庭事雖不果正自有關風教人傳以爲美談

張天威莆田人膂力絕倫初爲賊所擄置磨下隨寇石碼手門柵叱餘夥去謁巡海道徐日久壯之畀以材官遣

攻武平所嚮多捷以功擢澎湖把總崇正二年李魁奇寇海澄許茂天威奉檄往援斬級二生擒一賊爲褫氣已援中港更斬二級皆賊魁戰九都衆各負重創天威獨揮戈電擊聲如雷吼已赴援白沙白沙浦屬也遊擊鄧世科三矢趣之天威借馬宵馳枵腹歷數十里比曉與賊遇一揮六卷其戈矢絕無援竟戰死邑令余應桂爲文哭之科臣仇維正疏其事以聞

吳兆燦同安人嘗從軍西粵間歸巡撫南居益試將林拔置第二擢海澄營把總李魁奇再掠內地兆燦統所部戰許茂石碼浮宮斬獲頗多晉守備壬申六月賊寇龍

## 漳州府志

### 卷之三十五

宦績四

八

四百廿九

溪福滸兆燦赴援將至馬忽不前鞭之如故乃偕其叔及麾下數人步往賊預設伏遣數輩衣大袖陽爲嚮導狀卒諦視告曰此非逋寇人燦曰若乃某遊兵汝膽落耶遂獨前爲賊伏兵所殺叔亦遇害其弟奔護尤重創還澄人傷之縣以其事聞中丞鄒維璉遣官致祭

袁德同安人爲海澄遊兵把總崇正二年李魁奇入九都勢張甚哨官蔡昆望風奔竄德直前發炮擊之須臾衝鋒許界張明俱戰死德與蔡春各帶重傷裹瘡復戰張天威吳兆燦齊奮擊之賊驚愕退五年劉香寇海澄德與兆燦領兵往禦浮宮賊樓櫓巍若雉堞矢石交下官



兵坐小舟仰攻莫能攀援自夜及辰力戰未決驍卒林  
行先登斬其魁賊交刃之墜舟得不死德奮勇大呼躍  
上賊艘衆繼之斬獲溺死無筭賊自是不敢向海澄  
百戶

鄧繼忠 周 華

鄧繼忠武進人始祖通以功除鎮海衛百戶旋調漳州衛  
後所嘉靖三十七年倭寇數百人自潮州突至詔安殺  
傷縣治及四鄉村男婦無數繼忠督兵剿捕與倭遇于  
深田隘擒其從陳來成等四人斬真倭首級二顆四十  
三年倭又突劫點燈山白葉洞等處繼忠討之擒其倭

### 漳州府志

### 卷之三十五

宦績四

九

哇吱咭咤咭等論功陞副千戶世襲

周華含山人祖勝洪武間以功陞永寧衛崇武所百戶調  
懸鍾所父應晨陣亡華陞襲正千戶嘉靖四十一年海  
賊吳平引倭賊襲懸鍾所城陷百戶羅倫等被執華力  
戰死之

國朝

提督

段應舉

段應舉直隸人以戰功授温州守將退海寇有功歷陞福  
建陸路提督駐泉州康熙十七年鄭經遣劉國軒窺海

澄應舉赴援營於祖山去縣十里相犄角水師提督黃芳泰戰敗於灣腰樹賊益張應舉勢孤顧念城棄不可遂突入共守賊掘塹環之逾三月糧盡賊知其困招之不下遂乘城無能抗者應舉猶引弓下射知不可為乃北向再拜自經於城之西角樓

總兵官

孟全勝 楊 佐 楊 捷 金世榮

孟全勝山東濟南府人亞聖裔也為將以不殺為威所至戒輯兵士不許蹂躪有古名將風順治二年九月

王師入漳貝勒王承制拜漳州鎮總兵官撫綏安輯民戴

漳州府志

卷之三十五

宦績四

十

之如父母明年四月卒

採開元寺志

楊佐漳浦總兵順治六年七月佛潭橋寇據新城寨佐勦之力戰死

楊捷字元凱原籍維揚先世仕遼因家焉遂為義州人年十六即能挽強命中制院洪文襄承疇異之擢為偏裨

國初隨大師入閩以材勇異等授山右撫標中軍遊擊山寇

起率師平之陞宣府大同督標中軍副將蒐軍實嚴斥堠邊境以寧調江南督標副將援勦兩廣行次銅陵諸勦金王彭澤偽官兵以功晉九江總兵官恢復江西諸郡與廣東師會恢復潮州城隨征福建江南又提督山

東皆有禦寇定邊懋勲而於閩漳績尤著順治甲午海寇爲逆捷以左都督充福建右路總兵官至則所當無勅敵軍抵漳浦寇聞風奔竄當是時漳屬郡邑城垣率被寇折毀捷駐漳浦庀工興築旣完且固民賴以安屹爲海濱保障康熙戊午海寇復煽據厦島爲巢時出偏師蹂躪漳泉間復奉

命督師入閩時姚啟聖開府于漳揮羽書請援捷以爲援漳而不先安泉將有腹背受敵之虞遂長驅先復惠安縣解泉圍乃疾馳至漳與啟聖議破敵策是冬克江東橋萬松關已未春寇據險立巢捷絕其糧道俟其困帥師擊

## 漳州府志

### 卷之三十五

宦績四

十一

四百〇九

之賊潰焚其舟擒僞將斬馘無數庚申二月賊分據要害地立十九寨相聯絡以拒我師捷出奇計搗之令首尾牽制難以兼顧乃會師攻復海澄復分三路進剿厦島擊沉賊艦不可勝計數十年逋寇窟穴一旦廓清閩逆平勞瘁不支

溫旨特調提督江南以便調攝秉鉞吳地前後十五年尤多異績授招武將軍捷用兵如神馭下威惠兼濟而於民間疾苦尤加意撫綏故所至將卒用命黎庶乂安遠近感慕漳民爲像祠之浦邑建書院曰懷德以永甘棠之愛云曾孫景素巡海汀漳龍道今任山東巡撫

金世榮正黃旗人初爲漳州中路總兵官嚴公有威時兵悍常爲民患世榮嚴約束之由是兵民相安改鎮漳浦復改爲漳州鎮二十六年六月三十夜賊林恩陳媽等謀襲郡城事洩世榮杖殺之漳民以寧後累陞至福建總督

叅將

張國柱 包泰興 陸大勳

張國柱順治六年以叅將駐雲霄海寇圍鎮城急國柱以三十騎突圍擊賊賊環攻之死戰弗脫赴溪頭漳江死焉

### 漳州府志

### 卷之三十五

宦績四

十三

包泰興順治八年任雲霄叅將時鎮城毀移駐莆美堡賊破堡泰興自縊

陸大勳漳浦營叅將順治五年十一月初九日賊圍城偽帥盧若騰僞監軍邱建會逼屯西湖大勳出城迎敵血戰而死

遊擊

柳朝麟 傅宏基

柳朝麟順治九年授海澄城守至漳而邑爲寇據留寓郡城屢陳復海澄之策當事者以寇方求撫不納朝麟曰是狃我耳未幾千總劉國軒果延寇八時十一年十二

月朔也鷄初鳴聞城中皆海上傳號朝麟拊膺大慟曰  
任澄不能復其疆寓漳而與同其禍命也夫遂自刎而  
死

傅宏基金華人漳州城守遊擊分防長泰縣康熙十七年  
海寇圍縣城宏基嬰城固守援絕城陷被執不屈死之  
事聞

詔優恤廕一子

守備

劉超鳳 楊定國 蔣 鈞 蘓華國

劉超鳳字元脩商邱人順治辛丑武進士官詔安營守備

漳州府志

卷之三十五

宦績四

三

二百八十九

討蒐卒乘訓練有方耿精忠叛超鳳不屈自刎死以子  
官統貴贈西安副都統祀鄉賢

採河南通志

楊定國山東人漳州守備康熙十四年海寇陷漳逼降不  
從支解之事聞

詔予贈卹

蔣鈞會稽人隨父任江西中順治丁酉科武舉授騰驤衛  
千總陞海澄鎮中營守備會耿鄭二逆之變陣亡

贈都司僉書

賜祭葬廕一子

蘓華國雲南人官雲霄營守備乾隆三十三年漳浦奸民

盧茂謀不軌突犯縣城華國接浦令徐觀孫密報卽赴  
救慮師出衆志搖動詭以會捕竊盜爲辭率衆逕進旣  
登盤陀嶺乃下令曰漳浦警急須直抵邑治救援衆惶  
懼失措顧軍律森嚴咸用命夜月微茫疾馳八十里黎  
明入城時城中守備單虛諸村落沟沟逃竄聞華國來  
援咸周走而呼曰救兵至矣人心始固匪類率警慄奔  
伏遂得擒捕正法逾年陞左營遊擊暴患心疾卒于官  
論曰武臣列傳舊志弗入名宦附兵紀中以治民治  
兵其職各異也要之文武一體捍疆圉而衛人民爲  
國家宣力効忠事異而功同今於武職歷代官制暨歷官

漳州府志

卷之三十五

宦績四

古

三百〇三

姓名仍載在兵紀以昭

王章至武臣以功名顯者俱與文臣臚列宦績門目內文德  
武功炳著史乘縉紳甲冑合而一之祭遵以雅歌擅  
風流杜預以武庫稱藝苑進而上之吉甫方叔萬邦  
爲憲豈異人任歟